

նորդութեամբ՝ պայմանաւ առաջնութեան Պատրիարքին
 Յունաց , և 'ի տեղիս արտաքոյ նորին՝ որք յականէ և
 յանուանէ բացորոշ գրեցան , անկախութեամբ և առանց
 խռովութեան կատարել զուխտս , զի մի կողմն ճշմարիտ
 խոստովանութեամբ ստոյգ համարեցաւ զհրովարտակա միւ-
 սոյ կողման և ընկալաւ : Եւ առաջին 'ի խնդրոց խռովու-
 թեան էր , սեփական և բնականութեան տեղիքն 'ի Սուրբ
 Յարութիւն , և այնոքիկ ևս 'ի հրովարտակա երկուց կող-
 մանց յականէ յանուանէ գրեալ են . հաճեցան երկաքան-
 չիւր ազգ սեփականութեան և անկախութեան տեղեաց
 'ի տաճարին Ս . Յարութեան ըստ նախնի պայմանաց զորս
 ունէին յաւուրց անտի Սուրբան Սէլիմայ : Եւ երկրորդն
 'ի խնդրոց խռովութեան , Հայք պնդէին թէ 'ի սկզբանէ
 անտի Հապէշք , Ղպթիք և Ասորիք՝ մեզ հետեւողք և հա-
 մազգային սահմանեալ են , Յոյնք ընդգէմ հրովարտակին
 հակառակեալ՝ թէ ինքեանց են հետեւող . սակայն հետե-
 ւակ յորջորջեալ ազգքն՝ նայելով յուխտաւորութիւնս և
 'ի բացականութիւնս նոցին 'ի ժողովոյ , գրեցաւ հրաման
 առ Դատաւորն Երուսաղէմի՝ ստուգել զխնդիրն 'ի տեղւոյ
 իւրում . որպիսի եղանակաւ լեալ իցէ առաջին սովորու-
 թիւնն՝ այնպէս առնել , որոյ վասն հարկ եղեւ յանձն առ-
 նել 'ի տեղի իւրում , և այս ծանուցաւ երկուց կողմանց :
 Եւ վերջին խնդիրն էր՝ զի խնդրէին Հայք 'ի տաճարին
 Ս . Յարութեան , որ նախ քան զայս այրեցաւ , զսեփա-
 կան և զբաժանորդ տեղիս , զորս յայտնապէս ունէին , ըզ-
 բաժանորդ տեղիս բաժանորդութեամբ և զսեփական
 տեղիս անկախութեամբ չինել : Սակայն վասն նորոգու-
 թեան և շինութեան ոչ ոք ունի իրաւունս լինել ձեռնա-
 մուխ , այլ միայն Թագաւորական բարձր կամեցողութեան
 սեփական է , և ըստ ներելոյ Շէրիի օրինաց , յորժամ նո-
 րոգութեան պէտս ունի ըստ առաջին ձեւոյն , առ որ կա-
 միմ 'ի հպատակաց Տէրութեանս՝ նմա յանձն առնելով կա-
 տարի . ուստի մի ոք համարձակեցոյի ամբաստան լինել
 վասն շինութեան , զի յայտն նուագի շինութիւնն տուաւ
 ազգին Յունաց , և ընդհանուր նորոգութիւնն նոցին ձե-
 ումք եղեւ , սակայն երկու ազգք չունին մրցումս և ըզ-
 յամառութիւն տիրելոյ գրաւելոյ զւրաքանչիւր սեփա-